

IlS animals e nus carstgauns

La Terra Grischuna dat invistas

■ (anr/gc) **En l'editorial da la Terra Grischuna novissima constatescha il redactor, Markus Joos, che tar ils animals saja i sco tar ils carstgauns: ins audia e discurreia dad els pir quai mument ch'insatge è succedi.** Mo ils animals possian era svegliar buns sentiments, sch'els vegnan per sumeglia duvrads sco terapeuts. Mintgacas mussa la Terra Grischuna plirs aspects dals animals en lur relaziuns cun nus carstgauns e viceversa. Be insaquants accents or dal cuntegn!

Uschia vegn rendì attent ch'avant 20 onns n'avessia nagin sminà ch'ils animals da rapina: il luf-tscherver, il luf e l'urs cumparian puspè en il Grischun. 2005 èsi dentant stà uschè lunsch. Ils ins han gi plaschair, auters dentant fatg quitads. Ussa sa tschentia be anc la dumonda, schebain tuts trais animals da rapina restian per adina en noss chantun. – En il parc naziunal pon ins vesair – per surpraisa da blers – numerusas sorts d'animals selvadis ch'i dat tar nus. – Onn per onn datti a Tusaun ina fiera da pellitschas e pels, offerids dals chatschadurs grischuns. – A Maiavilla ed a San Murezzan vegnan renumadas cursas da cavals arranschadas. – En spital, chasas da vegls èn giats e chauns buns cumpogns ed ad uffants pon els servir sco co-terapeuts. Quels animals han era in effect sin il sa sentir general e per la sanadad dal carstgaun. Vitiers vegnan ch'els fan era tant plaschair sco spass.

Il nas dal chaun è in bun localisader. Ses fried è pli grond che quel d'in carstgaun. Perquai vegnan chauns duvrads

per chattar carstgauns en pitgiras. – La tratga intenziunada dad animals d'auta prestaziun ha effectuà ils davos onns midadas tar tegnaire animals. Enstagl dals indrizz da rentar pli baud han ins construi oz raziunalmain uigls libers. Qua tras è dentant il contact tranter pur ed animal sa reduci, quai che n'è be mo dad avantag.

Ina giada deva i en noss chantun be la razza brina – oz dentant cun u senza corns. Vitiers èn anc diversas razzas exotas vegnidas ils davos decennis. – En il Grischun existevan 2009 anc 2559 manaschis agricols – diesch onns avant eri anc 3291. – Dapi tschientaners èn chans fidaivels accumpignaders dal carstgaun. Deplorabel è che tals daventan savens davanz e da nagin e sa tschentan anc, sch'els han fortuna, en ina chasa d'animals sco a Cuira.

20 onns datti la «Compagnie dance verticale» cun *Erika Engler* – per sa mover en las pli differentas modas sin praits da raiver. Ins ha pudì admirar quai era a l'exposiziun agricola questa primavaira a Glion. – Sut il titel «Forsa na adina bainvis, mo zunt apprezia» vegn purtretà il magister, pictur-artist, scribent, caricaturist critic e grond Rumantsch *Jacques Guidon* per ses 80. – Ina reportascha è deditgada a turissem en gronda autezza – cun mussar co siglir da pumer a pumer, da planta a planta fitg ad aut. – Questa giada fa la Terra Grischuna visita al Museum d'Engiadina a San Murezzan che mussa spezialmain la tradiziunala cultura d'abitar d'antruras.